



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Exhortationes|| Ad|| Religiosos**

**Dirckinck, Johann**

**Coloniæ Agrippinæ, 1704**

Reg.49.

[urn:nbn:de:hbz:466:1-51834](#)

quent: *Docendus est inquit S. Bernardus, Novitius, sic habere corpus suum, sicut agnus filii commendatum; cui etiam multum volenti, iniustitia neganda suntatis vero etiam nolenti ingenerda;* sed de corpore suo agere, sicut de non sibi; sed ejus a quo pretio magno empti sumus, usq[ue] gloriificemus eum in corpore nostro. Cui consonat, quod idem Doctor Mellifluus serm. 10. in Psal. Qui habitat, ait: *Diligat anima carnem, usq[ue]dam in adjutorium, & ad a-*

*terna beatitudinis consortium preparatam: quibus verbis castigationem debitam non prohibet; persecutionem tamen nimiam minime permittit; quando adjutorem non odiſſe; sed amare & favore in iis, quæ contra deum non sunt, solemus atque debemus. Sequamur itaque obedientia dictum, & nec ad dexteram, nec ad sinistram declinabimus, sed medium tenebimus, & discretionis metu feliciter attinogenus.*

## REGULA XLIX.

DE OBEDIENTIA TEMPORE MORBI.

## EXHORTATIO

## IN EANDEM,

Necessarium in morbis esse obedientiam, probat.

THEMA.

Honora Medicum, propter necessitatem. Eccli. 38. 1.

VEL

*Ægritudinis tempore, non solum observare unusquisque obedientiam debet, erga Superiores spirituales; ut ipsius animam regant: sed etiam erga Medicos corporales, & Infirmarios, ut corpus ejus regant. Reg. 49.*

**M**Orbus virtutum officina & schola est, teste S. Ambroſio, in hac schola diſcipulus est, quisquis aget est: quemadmodum exadverso sanitas non paucis schola

vitorum est: quot enim, dum sanitate gaudent, genio suo indulgent, epulantur, debacchantur, perigrinantur; qui si morbo attinerentur, recte ageant, sobrietatem colerent, nec non temperantia leges observarent. In-

Kkkk 2 firmata

*f*irmitas gravis sobriam facit animam. Eccli c. 41. 2. Quot, dum infirmo sunt corpore, castè degunt; qui viribus recuperatis, in pristinas libidinum sordes revolvuntur? an non igitur huius è morbo decumberent, quibus adè periculosa ac pestilens sanitas? quot mortales, dum viribus sunt integris; sexcentis curis, negotiisque profanis intricantur, dum interim de aeterna animæ salute, cogitatio nulla. Dum verò eos providentia Divina compingit in lecto, morbumque velut monitorem immittit, saniora agitant de celo & aeternitate consilia. *Anima* morbo affecta, *Deo propinqua*, ait S. Gregorius Nazianenus Orat. ad cives. Verè igitur morbus, virtutum ludus & palitra est. Quānam verò in hoc Gymnasio virtutes doceantur, aut requirantur, S. Ignatius reg. 49. & 50 deponit: in illa solam proponit obedientiam, in hac humilitatem, patientiam, resignationem & adificationem aliorum. Ac proinde in hac exhortatione obedientiam exponeamus, in sequente ad virtutes reliquas digrediemur.

I.  
Obedien-  
dum me-  
dico spi-  
rituali.

I. Ut discipulus in schola progressum, in studiis, scientiisque faciat, ante omnia necessaria est obedientia: alioquin actuū ager, & in cassum erunt omnia: si enim Magister jubeat lingua compescere, & indicat silentium: discipulus verò inde sine eter fabulas mifecat: si Magister jubeat pensum injunctum componere, lectiones memoria mandare, & explicacioni aures attentas præbere; discipulus verò nugas tractet, & omnia alia agat; nun-

quam in literis proficiet. Pati ratione, in morbo, tanquam in Gymnasio, primum locum obtinet obedientia. Et hæc quidem, ut monet S. Ignatius in regula, primum exhibenda est Medicis spiritualibus, ut animam regant; cujusmodi sunt, Prælati ac Superiori, Patres spirituales ac conscientia directores, quibus anima morbos & infirmitates, nempe vitia, passiones, & peccata, ex officio curare incumbit. His igitur obedientium est, idque tantò magis, ut ait Rabanus, quantò anima præcellit corpori, atque salus æterna, quam confert Medicus spiritualis, præstantior est, sanitate corporali, modico tempore duratur, quam confert medicus corporalis. Hic enim ratione obtemperamus, Chirillo Domino, Medicorum Medico & premo Archiatro, dicenti: *Qui vos audit, me audit: qui vos spernit, me sfernit*. Lucæ c. 10. 16. & verò celestis ille medicus nostram perspiciens subiectiōnem & obedientiam, melius nos quoad corpus & animam gubernabit, certabitque: qui tanto nos amore complectitur, ut theriacam præstantissimam, in omnium morborum & paroxysmorum nostrorum medelam, non aliunde, quam ex sanguine suo pretioso conficit, quam nobis induit exhibet in SS. Eucharistie mysterio, carcerisque Sacramentis. *Ipsius enim labore sanari sumus*. Ut loquitur S. Petrus Epift. I. c. 2. 24. Et Isaías c. 53. 4. Atque ex eo S. Matthæus c. 8. 17. *Verè languores nostros ipse tulit, & doloros nostros ipse portavit*. Nimurum ipse verus est Samaritanus, qui primum hominem

hominem, ejusque posteros, à latronibus infernalibus ad morte vulneratos ac spoliatos, oleo & vino gratia sua sanavit. *Lucas c. 10.34.* Hic autem versus Samaritanus & celestis Medicus, per Superioros nos regit, curat, sanat, quóque eis obedientiam exactiorem praefiterimus, eò melius, facilitiusque ab eo adjuvabimur, dirigemur atque curabimur.

His ergo Medicis spiritualibus, infirmus penitus se submittat, ac dirigendum tradat; & securus erit, v.g. Ut Sacerdos infirmus pensum horarum canoniarum perfolvat, aut intermitat: ut ad aram faciat, aut non faciat: ut sacerdotio nondum iniciatus, sive scholasticus, sive laicus, agrotus sacro sancto Missa Sacrificio, festi-  
vis ac Dominicis diebus, interfit, aut non interfit; ut diebus esuriens jejunum serveret, aut non serveret; carnes manducet, aut non manducet: vel si conscientia angatur, ut exhomologatio-  
ne de tota vita repeatat, aut non repe-  
tatur; ut viatico sacro, unctioneque su-  
pream, ad ultimam luctam muniatur,  
aut non muniatur, ubi statum suum  
aperuerit, acquiescendum est omnino,  
cogitandumque, Deum O. M. qui  
usque ad vitam terminum, vel saltem  
eō usque suaviter eum per Superiores  
direxit, in praesenti quoque necessitate  
non derelictum; quin potius in  
necessitate graviori, plus opis allatu-  
rum, ipsique inspiraturum, quid infirmi saluti, & in columitati conve-  
niat.

Luculentum hujus rei exemplum  
pribet Sacerdos quidam de Socie-

tate, Oeniponti in Tiroli, Collegii ministrum agens: qui cum multis annis, hac tentatione vexatus fuisset, tanquam si non esset in gratia Dei; & nihilominus, obedientius jussu sacrificium missa celebrasset, more societas: paulo ante mortem, admirandam cum dæmone luctam sustinuit, inge-  
rente, ipsum gratia divina expertem  
vixisse, adeoque perperam sacram peregrisse ac divinis abusum fuisse. Ipse vero Pater se obedientiae paruisse respondit, ac spe animum firmante, dimidiā circiter ante obitum horā, lu-  
mine & solatio divino perfusus exclamavit: *Vicimus, vicimus!* tandemque placide ac pie in Domino obdormivit.

Obediamus igitur & nos, uti in vita reliqua; ita in morbo, Superioribus & animarum nostrarum Rectoribus: hac via, ab ipso Christo, animarum & corporum nostrorum medico peritis-  
simi atque expertissimo, tutius certi-  
usque regemur, atque de dæmone vi-  
ctoriam reportabimus.

II. Obediendum præterea est me-  
dicis etiam corporalibus, ut corpus re-  
gant ac curent. *Spiritus Sanctus per  
os Ecclesiastici c. 38. 1.* monet: *Honor  
medicum, propter necessitatem.* Honor  
autem in Divinis Scripturis tria signifi-  
cat; reverentiam, obedientiam, ac  
sustentationem. Ita filii jubentur ho-  
norare parentes, quia eos revereri, eis  
obedire, & si indiquerint, sustentare  
tenantur. Triplex hic honor, simili-  
ratione, medico debetur. *Honor a Me-  
dicum.* Id est, advoca, consule, reve-  
rere; deinde ejus consilia & præscripta  
magui

IL  
Obedien-  
dum me-  
dico cor-  
porali.

magni æstima & amplectere, denique laboris stipendium eidem persolve, *Propter necessitatem*: nam ad morbos curandos necessaria est Medici perita industria, utpote morbi naturam, ejusque remedia, infirmo ignota, calentis. Quemadmodum enim vestibus conficiendis farto, calceis consuendis sutor, cibis ritè coquendis magirus est necessarius: ita ad morbum explorandum, medicamenta, diatâmque praescribenda necessarius est medicus: cuique enim in sua arte credendum est: quod, si infirmitate preslus neglexeris, ejusve ordinationibus non obtemperaveris, evenire poterit, ut in morbum lethalem & incurabilem incidas, ipsiusque mortis fauces incurras.

Deinde *Propter necessitatem*, Textus græcus habet *Propter utilitatem*. Tιμὴ τοῦ φραγμοῦ, πρὸς τὰς χρήσεις. Honora Medicum ad, seu propter utilitates. Ex obedientia enim Medico exhibita varia utilitates proveniunt. 1. Aeger Medico obtemperans in lucris reponit meritum obedientiae. 2. Deo obsecetur, illique rem gratiam praefat: *Etenim illum creavit Altissimus Eccli. e. 38.* sanxitque & instituit, ut Medici operâ in necessitate utamur; eum in finem tot medicamina creavit, & herbis, plantis, succis, metallis, gemmis, mineralibusque, tot tamenque salutares & admirandas virtutes indidit, ad medelam scilicet hominum. 3. Vel ipsa comprobac experientia; pharmarorum virtute, complures sanitati pristina reddi, dolorum acerbitudinem leniri, & de vita periclitantes, mortis fauicibus eripi. 4. Tametsi Medicus

imperitiâ & ignorantia suâ aberrans, medicamenta incongrua adhiberet, Deus tamen O. M. omnia in obedientis emolumentum novit convertere: quemadmodum enim ipse mala figura, Isaæ jussu, in cataplasmâ redacta, & vulneri Ezechia Regis imposta, Regem potuit curare, licet alias obtutus, vulnerique nocivâ. *Isaia c. 38.* Et sicut ipse luto, oculis imposito, alias visui noxio, visum cœco restituere novit: ita pariter idem ille Deus, si vulnerit, etiam pharmaci in convenientibus, infirmum restituere potest: *A Deo enim est omnis medela. Eccli. 37.*

2. 5. Aut si forte Divina bonitas sanitatem ægro reddere noluerit: mortifelix ac beata eidem eveniet, à Deo si salutem ordinat; cùm alioquin convallituro, diutiusque vitam protractuero prævidet, eventura damnationis aeterna pericula.

Illustre æquè ac mirabile obedientie Medico exhibita exemplum recessit P. Massæus L. 3, vita c. 7. de S. Fundatore nostro Ignatio, qui ita Medicis parebat, ut verba eorum pro oraculo duceret, & omnem prudentiam deposituisse, ac curam omnem in eum projecisse videretur. Cum stomacho gravissime laboraret aliquando, ex nimio videlicet hepatis calore, adhibitus Medicus, quo Dominus urebatur, juvans, nec peritissimus; qui frigida corporis constitutioni cauam illico attribuit; nec mora, quidquid exigitare potuit ad corpus & praecordia calefacienda, praescripsit: fenestræ, foræque cubiculi bene obserari jefsit; deinde languentem multâ vele cooperante

cooperire se, postremò, quām calidissimo cibatu, & exiguo mero; sed quam auferissimo refici. Quia omnia Ignatius licet sibi, non levibus argumentis, minimè accommodata sentierit, & Medicum non peritissimum esse nōsset; tamen ne cum extremo quidem vite periculo, contra ejus edicta, quicquam efflatus est. Aetas erat summa, calores in Urbe maximi, ingenti stomachus pondere premebatur, manabat è corpore & membris omnibus tanta sudoris copia, ut culitra aevestes maderent: & tamen ex præcepto, intra calida fomenta, se continebat ægrotus; ardebat siti, sed nihil omnino refrigerans poscebat; discruciabantur doloribus acerbissimis, sed nullam vocem edebat; linquebatur saimo interdum, nec id indicabat; donec Patres periculum advertebentes, almonuere Alexandrum Petronium Medicum excellentem, qui audiens, carnēisque hac omnia, & modum male procedendi, vociferatus est, hominem calore necari, pandi mox feneras jussit, frigidæ haustum affatim dari præcepit, atque ita S. Pater obedientia merito auctus, pristinam sanitatem recuperavit.

Idem Doctor Petronius, cùm S. Ignatius quadragesimam, quavis affecto corpuculo, perseveranter servasset, feriā quartā sanctioris hebdomada febri correptus est. Nec dubitavit idem Medicus, totum id ex infirmitate ortum nimia; quo circa pulli galinacei esum, circa vesperum illi præscripti, abiisque incertus, an id factus esset Ignatius. Altero die redux

quaesivit, num factum? responsūque ita. Tum Medicus: Plures qui quadragesimam non servarunt, hoc tempore incident in morbum, quibus ego carnis esum præscripsi, sed nimis grande id piaculum putant, hoc tempore edere: tu verò, qui totam ferè quadragesimam ad finem servasti, tamen edisti carnes: hoc ego miror. Tum S. Pater serenā facie: *Atqui obedientia est.* Nec plura, Mirificè hoc dicto delectatus Medicus, magis sanctitatem Viri suspexit.

Idem & nos dicimus, Charissimi, in quovis morbo: *Obediendum est.* Medicus jussit: obtemperandum est. Difficile, quod imperatum est, accidit: sed parendum est.

**III.** Obedientia denique vi hujus regula præstanda est *Infirmariis*, ut <sup>III.</sup> Obedientiam infirmariis corpus infirmi regant. Infirmarium verò nomine i. Intelligimus Praefectum sanitatis, quem communiter in Collegiis domibusc proffessis agit Minister, in tyrocinio Socius Magistrorum, à quibus infirmarii inferiores diriguntur, & ad quos in rebus majoris momenti recurrent. Hi autem infirmarii plerumque sunt Laici, aut faltem non Sacerdotes, quibus proinde obedientiam exhibere majoris est meriti; deinde sanitatis Praefectus, cùm non semper adsit, nec in omnibus particularibus infirmum dirigat; sed multa minuta infirmarii charitati & discretioni relinquat, & huic obedendum est. Tertiò ordinariè non sanitatis Praefectus, sed infirmarius, medicamenta, cibum, potum, & id genus alia porrigit, in quibus sumendis ager-

LIII inter-

interdum se difficilem præbet, quandoque nociva sibi danda postular, aut saltem eo tempore, quo documentum allatura essent. Itaque si præscripta à Medico Infirmarius præbeat, acce-  
pranda sunt ex'obedientia; si non præ-  
beat, relinquenda: si potum neget,  
dum negare oportet, exercenda est  
patientia juncta obedientia, si è stra-  
to surgere non permittat, cùm non  
oportet surgere, acquiescendum est  
ex obedientia, atque ita de ceteris.

Potest tamen interdum contingere,  
à sanitatis Praefecto atque Infirmario,  
Medici mentem de tempore, modove  
pharmaca sumendi, hæd rectè percipi,  
errorēisque admitti, & infirmum  
forte vita periculo objici: verū si id  
infirmo constet, ei licebit id ipsiſ pro-  
ponere, ac rogare, ut Superiorem aut  
Medicum consulant, num rā ratione  
procedendum judicer; in periculo  
præsertim morbi vel vita graviore. At  
si non liqueret eorum error, æger obe-  
diendo securus erit, etiam si per erro-  
rem mortem oppeteret: foret enim  
obediens usque ad mortem, & obe-  
dentia victimæ: si verò Deo placeret,  
errorem eorum corrigere, ejus id foret  
singulare beneficium. Atque hæc ra-

tione, animo constituti cum Apostolo  
asserere valemus: *Sive vivimus, sive  
morimur, Domini sumus.* Rom. 14.

Quocirca, Dilectissimi, non sanitati  
tantum, verū etiam valerudinis  
adversa tempore, obedientia virtutem  
nobilissimam exerceamus. 1. Ergo Su-  
periores, ut animas nostras dirigam &  
current. 2. Erga Medicos & 3. Erga  
Infirmarios, ut corpora nostra sanitati  
restituant. Hoc pacto Deo Domino  
nostro ipſi obedientiam praſtbimus,  
meritis nostris cumulum ingentem ad-  
jicemus, & Dei dispositione lingui-  
lari, sive sanitatem recuperemus, live  
nou, sive vivamus, sive moriamur,  
omnia in bonum & emolumentum  
nostrum cedent: obedientibus enim  
Deumque diligentibus, omnia in bo-  
num cooperantur; & obediens non  
non potest, ut refert Climacus grad. 4.  
de obed. de Achatio, in obedientia vir-  
tute mirè exercitato, qui cum post  
mortem è sepulchro à fene quopiam  
evocaretur, rogareturque, num mori-  
tuus esset, respondit: *Obediens non  
nequit.* Obedianus igitur & mori-  
nam in cœlis adipiscetur.



REGULA